

雪

雨

霹靂

河

四時

仙道

紀功

征伐

音樂

文苑英華

卷第三十五十一

無字

RARE
BOOK
CHIP
1,31

文苑英華卷第三百三十一



詩行一

天

雪二首

雨六首

月五首

雲二首

霹靂一首

明河一首

四時

春三首

秋四首

冬三首

天

白雪歌

朱孝廉

凝雲沒霄漢從風驚

樂府作飛

且散聯翩避幽谷徘徊依井

幹既興楚客謠亦動周王歎所恨輕寒早不待春光旦

樂府作
春陽旦

瑞雪篇

劉廷琦

紫宸飛雪曉徘徊層閣重門雪照開九衢晶

一作晶

耀浮

埃盡千品差池贄帛來何處田中非種玉誰家院裏不
生梅埋雲翳景無窮已因風落地吹還起先過翡翠寶
房中轉入鴛鴦金殿裏美人含笑出聯翩艷逸輕相鬪
容止羅衣點著渾是花玉手搏來半成水奕奕紛紛何
所如頓憶陽園二月初羞同班妾

一作女

高秋扇欲照明

一作神

車願

王乙夜書姑射山中符聖壽芙蓉闕下降仙

一作神

隨睿澤流無限長揖豐年貴有餘

此詩一百五十五卷重出前已削去注異同爲作

秋雨歎三首

杜甫

雨中百草秋爛死，階下決明顏色鮮。
暑葉滿枝翠羽蓋，開花無數黃金錢。
涼風蕭蕭吹汝急，恐汝後時難獨立。
堂上書生空白頭，臨風三嗅馨香泣。

二

闌風長

音仗

雨

一作伏

雨

非

風

秋紛紛

四海

一作萬里

八荒

同一雲

去馬來牛不復辨，濁涇清渭何當分。
禾頭生耳黍穗黑，

農夫田父無消息。城中斛米抱

集作換

衾裯，相許寧論兩

相直。

三

長安布衣誰比數，反鎖衡門守環堵。
老夫不出長蓬蒿，稚子無憂走風雨。
雨聲颼颼催早寒，胡鴈翅濕高飛難。

秋來未曾

集作省

見

白日

泥汙

后

集作厚

土

何時乾

雨夜吟

集作詩

陸龜蒙

屋小茅乾雨聲大自疑身著蓑衣卧兼是

集作以

孤舟夜

泊時風吹折葦來相佐我有愁衿

集作襟

無可那纔成好

夢剛驚破背壁寒燈不及螢重挑却向燈前坐

和柯古窮居苦熱喜雨

韋蟾

真機澹少思雅尚防多僻攬葛猶不畏

疑

勞形同處瘠

頭焦詎是焚背汗寧關炙方欣見潤礎那虞悲鑠石道

與古人期情難外物適幾懷朱郎綬頗曠金門籍清興

已蕭蕭陳柯將撼撼玉律詩調正瓊卮酒腸窄衣桁襲

中單浴床拋下綵黎侯寓於衛六義非凡格

秋霖歌

李沆

西方龍兒口猶乳初解驅雲學行雨縱恣羣陰駕老虬

勺水蹄涔盡奔注葉破苔黃未休滴膩光透長狂蒔色
恨無長劍一千仞劃斷頑雲看晴碧

閏宵望月

卷箔舒紅茵當軒翫明月懿哉深夜中靜聽歌初發苔
含殿華濕竹影蟾光絜轉扇來清風援琴飛白雪行愁
景候變坐恐流芳歇桂影有餘光蘭燈任將滅

拜新月

吉中字婁張夫人

拜新月拜月出堂前暗翹初

一作深

籠桂虛弓未引弦拜

新月拜月粧樓上鸞鏡始

一作未

安臺蛾眉已相向拜新

月拜月不勝情庭前風露清月臨人自老人望月

一作望月

更

長生東家阿母亦拜月一拜一悲聲斷絕昔年拜月

逞容

一作輝儀

如今拜月雙淚垂迴看衆女拜新月却憶

紅閨年少時

一作皆樂府

明月

李如璧

三五月華流炯光可憐懷歸郢路長逾江越漢津無梁
遙遙求夜思茫茫昭君失寵辭上宮蛾眉嬋娟卧氈穹
胡人琵琶彈北風漢家音信絕南鴻昭君此時怨盡工
可憐明月光瞳朧節旣秋兮天向寒沅有瀟兮湘有瀾
沅湘糾合淼漫漫洛陽才子憶長安可憐明月復團團
逐臣應主心愈恪棄妾思君情不薄已悲芳歲徒淪落
復恐紅顏坐銷鑠可憐明月方照灼向影傾身比葵藿

秋閨月

權德輿

三五二八光

一作月

如練海上天涯人

一作應

共見不知何

處玉樓前乍入深閨璫瑁筵露濃香逕知愁坐風動羅
帷照獨眠初卷珠簾看不足斜抱瑩篴未成曲稍映粧
臺臨綺窓遙知不語淚雙雙此時愁望知何極萬里秋
天同一色靄靄遙分陌上光迢迢對此閨中憶早晚歸
來歡讌同可憐歌吹月明中此夜不堪腸斷絕願隨流
影到遼東

洞庭秋月行

劉禹錫

洞庭秋月生湖心層波萬頃如鎔金孤輪徐轉光不定
遊氣濛濛隔寒鏡是時白露三秋中湖平月上天地空
岳陽城頭暮角絕蕩漾已過君山東山一作孤城蒼蒼夜
寂寂水月逶迤遶城白蕩槩巴童歌竹枝連檣估客吹
菴笛勢高夜久陰力全金氣肅肅開清蹕浮雲野鳥歸

四裔首冠

一作闌干

星斗當中天天雞相呼曙霞出劍影含

光讓朝日日出喧喧人不閑夜來晴景非人間

慶雲章

陳子昂

崑崙元氣寔生慶雲大人作矣五色氛

集作氤

氲昔在嫫

帝

集作帝嬪

南風既薰叢芳

集作芳

爛漫穢穢

集作郁郁

紛紛曠矣

千祀慶雲來止玉葉金柯祚我天子非我天子慶雲誰
昌非我聖母慶雲誰光慶雲光矣周道昌矣九萬八千
天授皇年

白雲歌寄陸中丞使君長源

釋皎然

一見西山雲使人情意遠意高登詠何超遙道妙有如

君舒卷

一作如君有舒卷

縈空疊景多麗容衆峯峯上自爲峯

絜白不由陰雨積高明肯共雜煙重萬物有形皆有暑

白雲有形無

一作難

繫縛黃金被鑠玉亦瑕一片飄然汗

不暑或逢天上或人間人自營營雲自閑忽爾飛來暫

爲侶忽然飛去莫能攀逸民對雲効高致禪子逢雲增

道意白雲遇物無偏頗自是人心見同異閭闔天門宜

曙者華

一作爲

纓作蓋擁千官從龍合眷臨清暑就日逶

迤繞露寒誰憐西山雲亭亭處幽絕座右長者非我羈

手中欲攬待君說貞白先生那得知解向空山自怡悅

霹靂引

辛德源

出地聲初奮乘軋威更作雲銜天笑明雨帶星精落碎

枕神無撓震楹書自若時聞明

樂府作側聞吟

白虎遠觀飛白

鶴

樂府作遠見舞玄鶴

明河篇

宋之問

八月涼風天氣晶萬里無雲河漢明昏見南樓清且淺
曉落西山縱復橫洛陽城闕天中起長河夜夜千門裏
複道連甍共蔽虧畫堂瓊戶特相宜雲母帳屏一作前初
泛濫一作水精簾外轉逶迤倬彼昭回如練白復出東
城接南陌南陌征夫文粹作人去不歸誰家今夜擣寒衣鴛
鴦機上踈螢度烏鵲橋邊一鴈飛鴈飛螢度愁難歇稍
見星河文粹作坐見明河又作坐見河傾漸微沒已能舒卷任浮雲不
惜光輝流月明文粹作讓流月明河可望不可親願得乘槎一
問津更將織女支機石還訪成都賣卜人

四時

春日篇

梁元帝

春還春節美春日春風過春正

類聚作心

日日異春情處處

多處處春芳動日日春禽變春意春已繁春人春不見
不見懷春人徒望春光新春愁春自結春結詎能申欲
道春園趣復憶春時人春人竟何在空爽上春期獨念
春花落還似昔春時

奉和湘東王春日篇

梁鮑泉

新鷺始新歸新蝶復新飛新花滿新樹新月麗新輝新
光新氣早新望新盈抱新水新緣浮新禽新聽好新景
自新還新葉復新攀新枝雖可結新愁詎解顏新思獨
氛氲新知不可聞新扇如新月新蓋學新雲新落連珠
淚新點石榴裙

春日行

李白

深宮高樓入紫清金作蛟龍繡作

集作盤繡

楹佳人當窻弄

白日絃將手語彈鳴箏春風吹落君王耳此曲乃是昇
天行因出天池泛蓬瀛樓船蹙沓波浪驚三千雙蛾獻
歌笑櫓鐘考鼓宮殿傾萬姓聚舞歌太平我無爲人自
寧三十六帝欲相迎仙人飄翩下雲輶帝不去留鎬京
安能爲軒轅獨往入杳冥集作宵冥小臣拜獻南山壽陛下
萬古垂鴻名

秋辭

後篇作秋氣搖落見三百五十八卷

梁元帝

去秋行

杜甫

去秋涪江水落時臂蒼

集作滄

走馬誰家兒到今不知白

骨處部曲有去皆無歸遂州城中漢節在遂州城外巴
人稀戰場冤魂每夜哭空令野營猛士悲

秋日篇

見一百五十八卷

鮑泉

秋來

李賀

桐風驚心志

集作壯

士苦衰燈絡緯啼寒素誰看青簡一

編書不遣花蟲粉空蠹思牽今夜腸應直雨冷鄉

集作雨淚

香魂弔書客秋墳鬼唱鮑家詩恨血千年土中碧

冬日傷志篇

邢子才

昔時情遊士任性少矜裁朝驅碼碯勒夕

類聚作暮

銜熊耳

杯折花贈淇水撫琴望叢臺繁華宿昔改衰病一時來

重以三冬月愁雲聚復開天高日色淺林勁鳥鳴

類聚作聲

哀終風激簷響

類聚作宇

餘雪滿條枚數遊昔宛洛踟躕今

草萊時事方去矣撫已獨懷哉

初學記作傷懷

冬夜吟

陳陶

黑帝天寒愁散玉東皇海上張仙燭侯家歌舞案梨園

石氏賓寮醉金谷魯家檐褕閣披水雪花燈下甘垂翅
散帙高編折桂枝披紗密甃青雲地霜白溪松轉斜蓋
銅龍喚曙咽聲細八挺螻蟻狀寒栖早晚青旗引春帝
展轉城烏啼紫天曠矇千騎衙樓前

冬宵引

宋之問

河有冰兮山有雪北戶墜兮行人絕獨坐山中兮對松
月懷美人兮屢盈缺明月的寒潭中青松幽幽吟勁
風此情不向俗人說愛而不見恨無窮

文苑英華卷第三百三十一

登仕郎胡

柯

鄉貢進士彭

叔夏

校正

文苑英華卷第三百三十二

歌行二

仙道

華清詞二首

夢仙謠二首

懷仙歌一首

桃源行二首

黿頭山神女歌一首

馬明生遇神女歌一首

天上謠一首

朝上清歌一首

漢武帝雜歌三首

王母歌一首

玉華仙子歌一首

王子喬行一首

元丹丘歌一首

學仙難一首

謫仙詞一首

仙人詞二首

華清詞

劉禹錫

日出驪山東徘徊照溫泉樓臺相

集作影

玲瓏稍稍開白

烟言昔太上皇常居此祈年風中聞清樂往往來列仙
翠華入五雲紫氣歸上玄哀哀生人淚泣盡弓劍前聖
道本自我凡情徒顛然小臣感玄化一望青冥天

同前

顧雲

祥雲皓鶴盤碧空喬松梢梢韻微風絳節影來朱旂響
丁東相公清齋朝藥宮太上符籙龍蛇蹤散花天女侍
香童隔烟遙望見雲水彈璈吹鳳清龍龍

黃金世

可度願啓一言告仙翁道門弟子山中客長向山中禮
空碧九色真龍上漢時願把霓幢引仙客

一作煙策

夢仙謠

李沆

海宮蹙浪收殘月挈壺掌事傳更歇銀蟾半墮銀流咽
六鼇披日撼蓬闕九氣真翁騎白犀臨池靜聽雌蛟啼

桂花裊淚曙香冷八窓王朗驚晨雞裁綃剪羅貼丹鳳
膩霞遠閉瑤山夢露乾欲醉笑萼塘迴首驅雲朝正陽
同前 祝元膺

蟾蜍夜作青冥燭蟬螭晴爲碧落梯好箇分明上天路
誰教深入武陵溪

懷仙歌

李白

一鶴東飛過滄海放心散漫知何在仙人浩歌望我一作秋
來應攀玉樹長相待堯舜之事不足驚自餘囂囂真
集作囂可輕巨鼇莫戴三山去我欲蓬萊頂上行

桃源行

一作幾曲

王維

漁舟逐水愛山春兩岸桃花夾去一作古津坐看紅樹不
知遠行盡青溪忽值一作不見人山口潛行始隈隩山開曠

望旋平陸遙者一廬攢雲樹近入千家散花竹樵客初
傳漢姓名居人未改秦衣服居人共住武陵源還從物
外起田園月明松下房攏淨一作靜日出雲中雞犬喧忽
一作驚聞俗客爭來集競引還家問都邑平明閭巷掃花
開薄暮漁樵乘水入初因避地去人間一作更問及至
去一作遂不還峽裏誰知有人事世中遙望空雲山不疑
靈境難聞見塵心未盡思鄉縣出洞無論隔山水辭家
終擬長遊衍自謂經過舊不迷安知岑一作峯壑今來變
常時只記入山深青溪幾度到雲林春來遍是桃花水
不辨仙源何處尋一作皆文粹

同前

武陵別徑入幽遐中有雞犬秦人家家家傍流水多桃花

桃花兩邊種來久流水一道何時有垂條落蘂暗春風
夾岸芳菲至山口歲歲年年能寂寥林下青苔日爲厚
時有仙鳥來銜花會無世人此攜手可憐不知若爲名
君任一作從從之多所更古驛荒橋平路盡崩湍恠石小
溪行相見維舟登覽處紅堤綠岸宛然成多君此去從
仙隱令人晚節悔營營

黿頭山神女歌

韋應物

黿頭之山直上洞庭連青天蒼蒼煙樹閉古廟中有蛾
眉成水僊水府沉沉行路絕蛟龍出沒無時節魂同魍
魎潛太陰身與空山長不滅東晉求和今幾代雲髮素
顏猶盼睐陰一作沉深靈氣靜凝美的礫龍綃雜瓊珮山
精木魅不敢親昏明響像如有人蕙蘭瓊芳積煙露碧

窓松月無冬春舟客經過莫椒醕巫女南音歌激楚碧水冥空鳥飛長天何處雲隨雨紅蕖綠蘋芳意多玉靈蕩漾陵清波孤峯絕島儼相向鬼嘯猿鳴垂女蘿皓雪瓊枝殊異色北方絕代徒傾國雲沒煙銷不可期明堂翡翠無人得精靈變態狀無方游龍宛轉驚鴻翔湘妃獨立九疑暮漢女菱歌春日長始知仙事無不有可惜吳宮空白首

馬明生遇神女歌

前人

學仙貴功

集作工

亦貴精神女變化感馬生石壁千尋啓

雙檢中有玉床

集作堂

鋪玉簾立之一隅不與言玉體安

穩三日眠馬生一立心轉堅知無丹白蒙哀憐安期先生來起居請示金璫玉珮天皇書神女呵責不合見仙

子謝過手足戰大瓜 棗冷如冰海上摘來朝露凝賜

仙復坐對食了

集作訖

領之使去隨雲升乃言馬生合不

死少頃

集作姑

勅教令付爾安期再拜將生出一授素書

天地

一作章

畢

天上謠

李賀

天河夜轉杓回星銀浦流雲學水聲玉宮桂樹花未落

仙姿綵女

集作仙妾採香

垂珮纓秦妃捲羅八方曉

集作廉北曉

窻

前食桐青鳳小王子吹簫鵝管長呼龍耕煙種瑤草粉

霞紅綬藕絲裙青洲步拾蘭苕春東指羲和能走馬海

雲

集作塵

初生石城

集作山

下

朝上清歌

顧況

潔眼朝上清綠景開紫霞皇皇紫微君左右皆靈娥曼

聲流睇和清歌些至陽無諉其樂多些旌蓋颺沓簫鼓
和些金鳳玉鱗鬱駢羅些反風名香香氣遐些瓊田瑤
草壽無涯些君著玉衣升玉車些欲降瓊宮玉女家些
其桃千年始著花些蕭寥天清而滅雲目瓊魚兮情感
珮隨香兮夜聞肅肅兮愔愔啓天和兮洞靈心和爲丹
兮雲爲馬君乘之觴于瑤池之上兮三光羅列而在下

漢武帝雜歌三首

韋應物

漢武好神仙黃金作臺與天近王母海上摘桃還

集作摘桃

海上還

感之西過

一作遇

聊問訊欲來不來夜未央殿前青

鳥先徊翔綠鬢紫雲裾曳霧雙節飄颻下仙步白日分
明到世間碧空何處來時路玉盤捧桃將獻君踟躕未
去留綵雲海水桑田幾翻覆此桃中間三四熟

集作中問此桃

四五

可憐穆滿瑤池讌正值花開不得薦花開子熟焉

集作

可期邂逅能當漢武時顏如芳花潔如玉心念武

集作

我皇多嗜慾雖留桃核桃有靈人間糞土種不生由

來在道豈在藥徒勞方士海上行掩扇一言相謝去如
煙非煙不知處

二

金莖孤峙兮陵紫煙漢宮美人望杳然通天臺上月初
出承露盤中珠正圓珠可飲壽可求武皇南面曙欲分
從空將集作來玉杯冷世間綠翠亦作囊八月一日仙

人方仙人

集作

稱上藥靜者服之恒綽約栢梁沉飲自

傷神猶聞駐顏七十春乃知甘醴

集作醴又作釀

皆是腐腸物

獨有淡泊之水能益人千載金盤竟何處當時鑄金恐

不固蔓草生來春復秋碧天何言空墜露

三

漢天子觀風自南國浮舟大江屹不前蛟龍索鬪風波
黑春秋方壯雄武才彎弧叱浪連山開愕然觀者千萬
衆舉麾齊呼一天中死蛟浮出不復靈舳艫千里江水
清鼓輦餘響數日在天吳深入魚鼈驚左有飲飛落霜
翻右有孤兒貫犀革何爲臨深親射蛟示威以奪諸侯
龜威一作蛟可畏皇可尊平田校獵書猶諫集作陳此日從
臣何不言獨一作猶有威聲振前集作千古君不見後嗣尊
爲武

王母歌

李頎

武帝齋戒永華殿端拱須臾王母見霓旌照耀麒麟車

羽蓋淋漓孔雀扇手指玄梨遣帝食可以長生臨寓縣
上元頭戴九星冠揔領玉童坐南面欲聞要言今告汝
帝乃焚香請此語若能練黿去三尸後當見我天皇所
顧謂侍女董雙成酒闌可奏雲和笙紅霞白日儼不動
七龍五鳳來相迎惜哉志嬌神不悅歎息馬蹄與車轍
復道歌鐘杳將暮深宮桃李飛成雪但看青玉五枝燈
盤螭火盡光亦絕

玉華仙子歌

李康成

紫陽仙子名玉華珠盤承露餌丹砂轉態凝情五雲裏
嬌顏千歲芙蓉花紫陽綵女_疑綾無數遙見玉華皆掩
嫵高堂初日不成妍洛渚流風徒自憐璇堦霓綺閣碧
題霜羅幕仙娥桂樹長自春王母桃花未嘗落上元夫

人賓上清深宮寂歷默會城解佩空憐鄭交甫吹簫不
逐許飛瓊溶溶紫庭步眇眇羸臺路蘭陵貴士謝相逢
濟北書生尚迴顧滄洲傲吏愛金丹清心迴望雲之端
羽蓋霓裳一相識轉疑情寫念長無極長無極求相隨
攀霄歷金闕弄影下瑤池夕宿紫府雲母帳朝餐玄圃
崑崙芝不學蘭香中道絕却教青鳥報相思

王子喬行

高允生

仙化非常道其義出自然王喬誕神氣白日忽昇天晡
曉御雲氣飄飄乘長烟寄想崆峒外翱翔宇宙間七月
有佳節控鶴崇崖巔求與時人別一去不復旋

元丹丘歌

李白

元丹丘愛

集作
好

神仙朝飲潁川

集作
水

之清流暮還嵩岑

之紫烟三十六峯長周旋長周旋躡星虹身騎飛龍耳
生風橫河矯集作海與天通我知爾心遊集作無窮

學仙難

韋應物

昔有道士求神仙靈真下試心確然千鈞巨石一髮懸
卧之石下十三年存道忘身一試過名奏玉皇乃昇天
雲氣冉冉漸不見留語子弟集作但精堅

謫仙詞

見二百二十五卷

陳陶

僊人詞二首

前人

小仙皆云十洲客莓苔爲衣雙耳白清編遺我忽隱身
暮雨紅霞一千尺

二

赤城門開六丁直曉日已紅

一作燒

東海色朝天半路聞

玉雞星斗離離礙龍翼

文苑英華卷第三百三十二

王母歌

上元頭戴

荊公詩

選作

來相迎

詩選作

飛成雪

詩選作

飛成雪

詩選作

詩選作

花成雪

詩選作

火盡光亦絕

詩選作

吐

火光已絕

詩選作

吐

詩選作

但看

詩選作

火盡光亦絕

詩選作

吐

火光已絕

詩選作

吐

詩選作

吐

詩選作

文苑英華卷第三百三十三

謠行三

紀功

七德舞一首

城西行一首

平齊行二首

平蔡行三首

征戍

大漢行一首

老將行一首

兵車行一首

疲兵篇一首

古遊俠歌一首

木蘭歌一首

新豐折臂翁一首

紀功

七德舞

白居易

七德舞七德歌傳自武德至元和元和小臣白居易觀

舞聽歌知樂意樂終稽首陳其事太宗十八舉義兵白

旄黃鉞定兩京擒充戮竇四海清二十有四功一作王業

成二十有九即帝位三十有五致太平功成理定何神

速速在推心置人腹亡卒遺骸散帛收貞觀初詔收天

祭而瘞埋之得瘡購飢人賣子分金贖貞觀二年大饑

詔出御庫金帛盡魏徵夢見子夜泣魏徵疾亟別

既寢流涕是夜徵卒故御製碑云昔殷張謹哀聞哀日

哭張公謹卒太宗為舉哀有司奏日子在辰陰陽所忌

遂哭怨女三千放出宮太宗嘗謂侍臣曰婦人幽閑深

麗於是令左丞戴胄給事中杜正死囚四百來歸獄貞

六年上親錄囚徒放死罪者三百九十四人歸家令

明年秋來就刑應時悉至集作及期而至遂悉原之翦

鬚燒藥賜功臣李勣嗚咽思殺身李勣嘗疾亟醫工云

得龍鬚交方可療太

宗自翦鬚燒衣賜之服訖而愈勤扣頭泣而謝

含血吮瘡撫戰士思摩奮呼

一作

乞効死

李思摩嘗中弩大

則知不獨善戰善乘時

以心感人人心歸爾來一百九十載天下至今歌舞之歌七德舞七德聖人有作垂無極豈徒耀神武豈徒誇聖文太宗意在陳王業王業艱難示子孫

城西行

劉禹錫

城西簇簇三叛族叛者爲誰蔡吳蜀中使提刀出禁來
九衢車馬轟成雷臨刑與酒杯未覆仇家百官先請肉
守吏能燃董卓臍飢烏來覘桓玄目城西人散太街平
雨洗血痕春草生

平齊行二首

前人

胡塵昔起薊北門河南地屬平盧軍貂裘代馬繞東岳

嶧陽孤桐削爲角地形十二屬意驕恩澤含容歷四朝
魯人皆科帶弓箭齊人不復聞簫韶今朝天子聖神武
手握玄符平九土初哀狂童襲故事文告不來方震怒
去秋詔下誅東平官軍四合猶嬰城春來羣鳥噪且驚
氣如壞山墮其庭牙門大將有劉生夜半射落攬槍星
帳中虜血流蒲地門外三軍舞臂盟駟騎函首過黃河
城中無賊天氣和朝廷侍郎來慰撫耕夫蒲野行人歌

二

泰山沉寇六十年旅祭不饗生愁烟今逢聖君欲封禪
神使陰兵來助戰妖氣一作氣掃盡河水清日觀杲杲卿
雲見開元皇帝東封時百神受職爭奔馳千鈞猛麓順
流下洪波涵淡浮熊羆侍臣燕公秉文筆玉檢告天無

愧詞當今睿孫承聖祖岳神望幸河宗舞青門大道屬
車塵共待歲蕤翠華舉

平蔡行三首

前人

蔡州城中衆心死祆星夜落照壕水漢家飛將下天來
馬箠一揮門洞開賊徒崩騰望旗拜有若羣螫驚春雷
狂童面縛登檻車大帛夭矯垂捷書相公從容來鎮撫
常侍郊迎負文弩四人歸業閭里閑小兒跳踉健兒舞

二

汝南晨雞喔喔鳴城頭鼓角音和平路傍老人憶舊事
相與感激皆涕零老人收泣集作淚前致辭官軍入城人
不知忽驚元和十二載重見天寶承平時

三

九衢車馬渾渾流使臣來獻淮西囚四夷聞風皆失據

集作失
七筋

天子受賀登高樓祇童擢髮不足數血污城西

一杯土南峯無火楚澤閑夜行不鎖穆陵關策勲禮畢

天下泰猛士按劍看恒山

時唯恒
山不庭

征戍

大漢行

胡皓

單于犯薊塹虜騎略蕭邊南山木葉飛下地北海蓬根
亂上天科斗連營太原道魚麗合陣武威川三軍遙倚
伏萬里相馳逐旌旆悠悠靜瀚源鼙鼓喧喧動廬谷窮
徼出幽陵于嗟倦寢興馬蹄凍溜石胡毳暖生冰雲沙
泱泱天光閉河塞陰沉海色凝崆峒此國誰能託蕭索
邊心常不樂近見行人畏白龍遙聞公主愁黃鶴陽春

半歧路間瑤臺苑玉門關百花芳樹紅將歇二月蘭皋
綠未還陣雲不散魚龍水雨雪猶飛鴻鵠山嶂綿連那
可極路遠辛勤夢顏色北堂萱草不寄來東園桃李長
相憶漢將紛紜攻戰盈胡寇蕭條幽朔晶韓昌拜節偏
知送鄭吉驅旌坐見迎火絕煙沉在西極谷靜山空自
北平但得將軍能百勝不須天子築長城

老將行

王維

少年十五二十時步行奪取胡馬騎射殺山中白額虎
肯數鄴下黃鬚兒一身轉戰三千里一劍曾當百萬師
漢兵奮迅如霹靂虜騎崩騰畏疾隳藜衛青不敗由天幸
李廣無功緣數奇自從棄置便衰朽世事蹉跎成白首
昔時飛箭無全目今日垂楊生左肘路傍時賣故侯瓜

門前學種先生柳蒼

集作泥非

茫古木連窮巷寥落寒山對

虛牖誓令踈勒出飛泉不似潁川空使酒賀蘭山下陣
如雲羽檄交馳日夕聞節使三河募年少詔書五道出
將軍試拂鐵衣如雪色聊持寶劍動星文願得燕弓射
大將耻令越甲鳴吾君

見劉向說苑

莫嫌舊日雲中守猶堪

一戰取功勲

兵車行

杜甫

車轡馬蕭蕭行人弓箭各在腰
爺孀妻子走相送塵埃不見咸陽橋
牽衣頓足攔道哭哭聲直上干雲霄
道傍過者問行人行人但云點行頻
或從十五北防河便至四十西營田
去時里正與裏頭歸來頭白還

集作猶

戍

邊邊庭流血成海水武

集作我

皇開邊意未已君不聞漢

家山東二百州千村萬落生荆杞縱有健婦把鋤犂禾
生隴畝無東西況復秦兵耐苦戰被驅不異犬與鷄長
者雖有問役夫敢伸恨且如今年冬未休關集作隴西卒
縣官急索租租稅從何出信知生兒惡反是生女好生
女猶得集作是嫁比隣生兒埋沒隨百草君不見青海頭
古來白骨無人收新鬼煩冤舊鬼哭天陰雨濕聲集作悲

啾啾

急索租

示園杜詩作云急索

生兒

集作生男

疲立篇

劉長卿

驕虜乘秋下薊門陰山日夕煙塵昏三軍疲馬力已盡

百戰殘軀

一作兵

功未論陣雲決潏屯塞北羽書紛紛來

不息孤城望處增斷腸折劍看時可霑臆元戎日夕且
歌舞不念關山久辛苦自矜倚劍氣陵雲却笑聞笳淚

如雨萬里飄飄空此身十年征戰老胡塵赤心報國無
片賞白首還家有幾人朔風蕭蕭動枯草旌旗獵獵榆
關道漢月何曾照客心胡笳只解催人老軍前仍欲破
重圍閨裏猶應愁未歸小婦十年啼夜織行人九月憶
寒衣飲馬渚河集作施晚更清行吹羌笛遠歸營只恨漢
家多苦戰徒令遺鏃滿長城

古遊俠歌

見三百卷

崔顥

木蘭歌

韋元甫

郭茂倩樂府不知名韋元甫續附入

唧唧何力力

或作歷歷樂府作唧唧復唧唧注作促織何唧唧

木蘭當戶織不

聞機杼聲唯聞女歎息問女何所思問女何所思女亦

無所思女亦無所思昨夜見軍帖可汗大點兵軍書十

二卷卷卷有爺名阿爺無大兒木蘭無長兄願爲市鞍

馬從此替爺征東市買駿馬西市買鞍韉南市買轡頭

北市買長鞭且辭爺孃去暮宿黃河邊不聞爺孃喚女

聲但聞黃河流水鳴濺濺且辭黃河去暮至一作宿黑山

頭不聞爺孃喚女聲但聞燕山胡騎鳴啾啾萬里赴戎

機關山度若飛朔氣傳金柝寒光照鐵衣將軍百戰死

壯士十年歸歸來見天子天子坐明堂策勲十二轉賞

賜一作賜物百千強可汗欲與木蘭宮一作可汗問所欲不

用尚書郎願得鳴一作借明駝千里足一作願馳送兒還故

鄉爺孃聞女來出郭相扶將阿姑聞妹來當戶理紅粧

小弟聞姊來磨刀霍霍向豬羊開我東閤門坐我西間

床脫我戰時袍著我舊時裳當牕理雲鬢一作掛對一作

鏡帖花黃出門看火伴火伴驚忙忙一作始驚忙同行

十二年不知木蘭是女郎雄兔脚撲握一作雌兔眼彌

迷一作離雙兔傍地走安能辨我是雄雌

一作皆郭茂倩樂府

新豐折臂翁

白居易

新豐老翁八十八頭鬢眉鬚皆似雪玄孫扶向店前行

右

集作左

臂憑肩左

集作右

臂折問翁臂折來幾年兼問致

折何因緣翁云貫屬新豐縣生逢聖代無征戰唯聽驪

宮歌吹聲

集作憤聽黎園歌管聲

不識槍旗

集作旗槍

與弓箭無何天

寶大徵兵戶有三丁點一丁里胥驅向集作點何處去

五月萬里雲南行傳

集作聞

道雲南有瀘水椒花落時瘴

煙起大軍徒涉水如湯未戰

集作過

十人二三死村南村

北哭聲悲

集作哀

兒別爺孃夫別妻皆云前後征蠻者千

萬人行無一迴是時翁年二十四兵部牒中有名字夜

深不敢使人知自把

集作偷將

大石槌

集作鎚

折臂張弓歟旗

俱不堪從茲始免征雲南骨碎筋傷非不苦且圖揀退

歸鄉土臂折來來六十年一肢雖廢一身全至今風雨

陰寒夜猶

集作直

到天明痛不眠痛不眠終不悔所

集作且

喜老身今獨在不然當時瀘水頭身死魂孤

集作飛

骨不

收應作雲南望鄉鬼萬人塚上哭呦呦

雲南有萬人塚即鮮于仲通等

覆軍人之所

老人言君聽取何

集作君

不聞開元宰相宋開府

不賞邊功防黷武

開元初突厥

數寇邊時天武軍子將

突厥默覲獻首闕下自謂有不世之功時宋璟為相以

天子年少好武恐邀功者生心痛抑其賞逾年始授郎

將靈筌遂斃

哭嘔血而死

又不聞天寶宰相楊國忠欲求恩幸立邊

功邊功不

集作未

立生人怨請問新豐折臂翁

天寶末楊國忠為相

重構閣羅鳳之役募人討之前後發三十餘萬衆去而
無反者後又捉人連枷赴役天下怨哭人不聊生故祿
山得乘人心而盜天下元和
初折臂翁猶存因備歌焉

文苑英華卷第三百三十三

登仕郎胡

柯

鄉貢進士彭

叔夏

校正



